

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. उपराज्यपाल मनोज सिन्हा ते मुखमंत्रि उमर अब्दुल्ला होरें अज्ज श्रीनगर च तरंगा रैली दी अगुवाई की, जहारां बद्दे लोकें देशभक्ति दे जज्बे कन्नै एहदे च शिरकत कीती।
2. मनोज सिन्हा होरें "पैडल फॉर एक भारत श्रेष्ठ भारत" रैली दे प्रतिभागिणं गी सम्मानित कीता। नौजवानें गी आखेआ जे भविक्ख दे सुखने गी मूर्त रूप देने लेई इक-मिक्क होइयै कम्म करन।
3. उमर अब्दुल्ला होरें ऐतिहासिक शालीमार बाग दी मरम्मत ते सोआरने दे कम्मै दा मुआयना कीता।
4. कठुआ जिले दे हीरानगर सेक्टर च बीएसएफ नै इक पाकिस्तानी घुसपैठिए गी गिरफ्तार करी लैता ऐ।
5. रियासी जिले च इस रूतै दी सब्भनें शा भारी बरखा, जम्मू प्रांतै दे केई हिस्सें च रसते बी बंद।

<><><><><><>

LG-CM Tiranga

उपराज्यपाल मनोज सिन्हा ते मुखमंत्रि उमर अब्दुल्ला हुंदी अगुवाई च श्रीनगर दे शेरे कश्मीर अंतरराष्ट्री कांफ्रेंस सेंटर च तरंगा रैली ते डल झील दे कंडे तरंगा जातरा गी झंडी दस्सियै रवाना करदे मौके चबक्खिया राश्ट्री एकता ते देशभक्ति दा नजारा दिक्खने गी लब्बा। आकाशवाणी संवाददाता नै जानकारी दिती ऐ जे इस आयोजन च शामिल सब्भनें लोकें हत्थें च तरंगे झंडी फगड़े दे हे ते बड़े मानै कन्नै देशभक्ति दे नारे लांदे होई इस कार्यक्रम च शिरकत कीती। अजादी आहले ध्याड़े कोला पैहले आयोजित इस कार्यक्रम च देशभक्ति, भाईचारे, सद्भाव ते अनेकता च एकता भावना साफ लब्बा'रदी ही। इस मौके अपने संबोधनें च एल.जी होरें आखेआ।

मुखमंत्रि उमर अब्दुल्ला होरें बी इस आयोजन च शामिल लोकें गी संबोधित कीता।

<><><><><><>

LG-Cyclist

उपराज्यपाल मनोज सिन्हा होरें अज्ज 79 साइकल चालकें गी सम्मानित कीता जिनें बीएसएफ आसेआ आयोजित "पैडल फॉर एक भारत श्रेष्ठ भारत" रैली च हिस्सा लैता। एह साइकिल रैली 79में स्वतंत्रता दिवस दे सिलसिले च आयोजित कीती गेदी ही जेदा मकसद आजादी दे ध्याड़े दे जशन गी मनांदे होई सांझी पंछान ते राश्ट्री एकता ते जज्बे दा प्रदर्शन करना हा। इस मौके पर बोलदे होई मनोज सिन्हा होरें आखेआ जे कई ग्राणं कस्बें चा होइए लंघी दी इस साइकिल जातरा नै आम लोकें, टकोहदा करियै नौजवानें गी देशभक्ति दी भावना ते जज्बे कन्नै प्रेरित कीता ऐ ते उनेंगी अपने पूर्वजें, बड़ें बड़े आसेआ राष्ट्र निर्माण लेई दिते गेदे योगदान ते कुर्बानिणं बारै च बी जागरूक कीता ऐ जे किस चाल्ली ओह राष्ट्र लेई पूरी निष्ठा ते निस्वार्थ भाव कन्नै कम्म करदे रेह न। उनें

आखेआ जे जम्मू-कश्मीर दे लोकें दे सुखनें गी मूर्त रूप देने लेई एह सहाड़े सब्भनें दी सांझी जिम्मेवारी ऐ जे इस लक्ष्य गी हासल करने लेई अस्स किट्ठे रलियै इस बतै पर अगड़े बधचै। उनें आखेआ।

<><><><><><>

HGT-Katra

हर घर तिरंगा अभियान तैहत अज्ज श्री माता वैष्णो देवी जी दी जातरा दे आधार शिविर कटड़ा च बी इक शानदार तरंगा रैली दा सरिस्ता कीता गेआ जेदे च विद्यार्थिएं, बक्ख-बक्ख मैहकमें दे अधिकारिएं ते मकामी लोकें बी बड़ी बद्द गिनतरी च हिस्सा लैता। प्रतिभागी हत्थें च राश्ट्री झंडा लेइयै बक्ख-बक्ख बजारें ते सड़कें चा होइयै लंगे जिस दरान भारत माता की जय, वंदे मातरम ते सारे जहां से अच्छा हिंदोस्तान हमारा जनेए नारें दी गूंज दे चलदे चौने पास्से देशभक्ति ते सद्भाव दा रंग खिल्लरे दा नजरी आवा'रदा हा। इस मौके अधिकारिएं लोकें अगगे अपील कीती जे ओह अपने घरें पर तरंगा झंडा जरूर फहरान, स्वतंत्रता सेनानिएं गी चेत्ता करन, राश्ट्र प्रेम दी भावना गी बल देन ते देश दी तरक्की दी खातर इक मिक्क होइयै कम्म करने दा धेइया पक्का करन। इस मौके बोलदे होई एस.पी कटड़ा विपन चंद्रण होरें आखेआ।

<><><><><><>

CM-Shalimar Garden

मुख्यमंत्री उमर अब्दुल्ला होरें अज्ज श्रीनगर दे ऐतिहासिक शालीमार बाग च जारी मरम्मत ते सजाने-सोआरने दे कम्में दा मौके पर निरीक्षण कीता। एह कम्म जे.एस.डब्ल्यू फाउंडेशन आसेआ समाज दे प्रति जिम्मेदारी आहली पैहल तैहत कीते जा'रदे न। मुख्यमंत्री होरें अधिकारिएं गी निर्देश दिता जे इस गल्लै गी पक्का कीता जा जे ऐतिहासिक बाग गी संवारने दा सारा कम्म मित्थे गेदे समें दे अंदर-अंदर तौले शा तौले मुकम्मल करी लैता जा। उनें शालीमार बाग दी परानी शान ते पंछान गी अपने अस्सल सरूप च बरकरार रखने दी जरूरतै पर जोर दिता। उनें उत्थे होर बेहतर सेवां-सुविधां उपलब्ध कराने पर बी जोर दिता तां जे औने आहला हर सैलानी इक अनोखा ते सदा चेत्ता रोहने आहला अनुभव हासल करी सकै।

<><><><><><>

Pak-Intruder

कठुआ जिले च इक पाकिस्तानी घुसपैठए गी जखमी हालतै च हिरासतै च लैता गेआ जिसलै ओह अंतरराश्ट्री बन्ने पर भारती इलाके च बड़ने दी कोश्ट करै करदा हा। जानकारी मूजब जिले दे हीरानगर सेक्टर च चडवां ते कोठे आहलिये अगेत्रिये चौकिये दे बश्कार आहले इलाके च किश लोकें दी संदिग्ध नकलो हरकत दिक्खी गेई जेदे पर उत्थे तैनात बीएसएफ दे जवानें उनेंगी खबरदार करदे होई रूकने लेई आखेआ। बार-बार ठाकने पर बी जिसलै एह लोक आक्खे नेही लग्गे तां जवानें फेर खोली दिता जेदे च इक घुसपैठिया घायल होई गेआ। उसी जखमी हालतै च फगड़िये अस्पताल पुजाया गेआ। ओहदी पंछान ते घुसपैठ करने दे पिच्छे दे मकसद बारें जांच-पड़ताल कीती जा'रदी ऐ।

<><><><><><>

International Youth Day

अंतरराष्ट्री युवा ध्याड़े दे मौके पर किशतवाड़ दे गौरमेंट डिग्री कॉलेज नै डिबेट ते पोस्टर बनाने दा मुकाबला करोआया। एहदा विशेषार हा HIV/AIDS सरबंधी जागरूकता पैदा करन यानि Awareness on HIV/ AIDS and related issues. इस समारोह दा मकसद युवाएं गी स्वस्थ जीवनशैली अपनाने आस्तै प्रेरित करना हा तां जे ओह सकारात्मक ढंगै सिर समाज च योगदान देई सकन। इस मौके पर प्रो. आस्मा जावेद होरें एहदे च हिस्सा लैने आहले विद्यार्थिं इस समारोह च बड़े उतसाह ते जोश कन्नै हिस्सा लैता ते रचनात्मकता दस्सी। इस मौके पर बोलदे होई प्रो. आस्मा जावेद होरें आखेआ।



Drug-Awareness Campaign

केंद्री गृह मंत्री हुंदे आसेआ जारी निर्देशें मताबक नशे दी रोकथाम सरबंधी ब्यूरो 15 कोला लेइयै 16 अगस्त तगर नशे दी रोकथाम लेई इक राष्ट्रव्यापी जागरूकता अभियान दा आयोजन करोग। इस मुहिम दा मकसद लोकें गी नशा-रोधी दे माड़े असर बारै जागरूक बनाना ऐ ते “नशामुक्त भारत” संकल्प गी लेइयै सब्भनें गी किट्ठे आहनना ऐ। इस दरान मुख्य भरै दे बक्ख-बक्ख शिक्षा संस्थानें च नशा बरोधी अभियान तैहत कार्यशाला, सेमिनार, पोस्टर बनाना, निबंध लेखन, प्रतियोगिताएं, नुक्कड़ नाटक ते साइकिल रैली ज्नेही गतिविधियें दा आयोजन करोआया जाग तां जे लोकें दी खास करियै नौजवानें दी भारत गी नशामुक्त बनाने लेई सक्रियता कन्नै भागीदारी यकीनी बनाई जाई सकै।



Weather-Update

रियासी जिले च खीरी 24एं घंटें दरान 284.5 मिलीमीटर बरखा पेई ऐ जेदे कन्नै इस जिले च समूलचे जम्मू-कश्मीर चा इस बरसात दी सब्भनें शा मती बरखा दर्ज होने दा रिकार्ड बनाई लैता ऐ। जिले च इन्नी मती बरखा पौने करी लोकें दी आम जिंदगी च बाधा दिक्खने गी लब्बी ते बचा आस्तै सलाल डैम दे गेट खोल्ली दिते गे न तां जे बरखा कन्नै आए दे पानी दे बहाव गी थम्मेया जाई सकै। ल्हास पस्सियां पौने करी ते पानी कट्ठा होने करी कई शड़कां बंद होई गेइयां न। तोआई पुंछ च बी डी.सी अशोक कुमार शर्मा ते एसएसपी शफकत हुसैन होरें हालात दा जायजा लैता ते बरखा कन्नै प्रभावित क्षेत्रें दा दौरा कीता। आपातकालीन टीमें गी बी अलर्ट पर रक्खेआ गेदा ऐ। इस बारै होर गल्ल करदे होई पुंछ दे डी.सी अशोक कुमार शर्मा होरें आखेआ।

तोआई पुंछ दे कन्नोकन्नी राजौरी ते रियासी जिलें च निजी ते सरकारी स्कूलें गी बी लगातार बरखा करी बंद कीता गेदा ऐ। दुई बक्खी ल्हास-पस्सियां पौने बंद पेदी जम्मू-राजौरी राष्ट्री जरनैली शिड़का गी खोली दिता गआ ऐ ते अधिकारिं लोकें गी घरें दे अंदर रौहने दी, नदी नालें ते ल्हास पस्सिं पौने आहले थाहरें थमां दूर रौहने दी गुजारश कीती ऐ।

